

17.25 CUNTRASTS SIN SRF 1

Tranter mort e vita – 24 uras en la Clinica Alpina



«Arjago» è tar il dentist, «Ivory» vegn operà d'in tumor e da «Muffin» èsi da prender cumià – il mintgadi usità en ina clinica. En quest cas èn ils pazients e las pazientas dentant animals: «Arjago» è in chaval, «Ivory» ina chogna cocker-spaniel e «Muffin» in giat. Lur tractament è il mintgadi dals profis da la Clinica Alpina a Scuol. 365 dis ad onn èn els ed ellas en servetsch per il bainstar dals animals engiadinais. Durant in da quels dis, durant 24 uras, ha in team dals «Cuntrasts» accumpagnà il schef da la clinica Beni Biner, la veterinaria Francesca Zala-Tannò e ses collega Men Bischoff e l'assistenta veterinara Marisa Tscholl. Ina reportascha da lur mintgadi tranter mort e vita.